



**Ethica Amoris, Sive Theologia Sanctorum, Magni
Præsertim Augustini, Et Thomæ Aquinatis**

Circa Universam Amoris & Morum Doctrinam, Adversus Novitias Opiniones
Strenuè propugnata, Et In Materiis Principaliter Hodie Controversis
Fundamentaliter discussa

De Generalibus Principiis Amoris Et Morum - Prolegomena septem,
Librosque undecim complectens

Henricus, de Sancto Ignatio

Leodii, 1709

Caput XVII. Eumdem perpetuum Ecclesiæ sensum sancti Patres uberiùs
demonstrarunt.

[urn:nbn:de:hbz:466:1-73187](#)

Liber Undecimus.

752

quod, sine prævia monitione, authoritate delegata, excommunicationis sententiam promulgare potuisset; nec per consequens credidisset te à divinis cestare debuisse. Cùm nec ante factum monitus fuisset, nec post factum ab ipso litteras accepisset, sed per solam famam, sententia contra eum lata pverennisset. De hoc casu interrogatus Pontifex, respondit: *Licet in hoc non videatur omnino culpabilis existisse: quia tamen in dubiis via est eligenda tuitor, et si de lata in eum sententia dubitaret, debuerat tamen potius abstinere, quam Sacraenta Ecclesiastica peritare.* Ecce Hildelementis secundum Pontificiam declarationem, in ejusmodi dubio, tutiorem viam eligere debuit, non obstante probabilitate sibi favente, propter quam dicitur non omnino, sive non ex toto culpabilis fuisse; eò quod probabilitas illa, licet diminuerit, non ex toto tamen abstiterit culpam ipsius.

172 Haud assimiliter Clemens V. clement. ex*vi* de verbis. signis, ad dubia sibi à Seraphico Ordine S. Francisci, ad intellectum regulae proposita (quæ credibile non est levia & temeraria fuisse, sed gravia, & utrumque probabilia) respondit: *In his qua anima salutem respiciunt, ad vitandos graves remorsus conscientia, pars securior est tenenda.*

173 Sacra quoque Congregatio Concilii Tridentini (uti refert Illustrissimus D. Fagnanus ad cap. ne innitaris, de constitut. n. 221.) „ alias consulta, an furiosus, habens lucida intervalla, ad Subdiaconatus ordinem promotus, continere teneatur „? Respondit: *Aut tempore ordinationis non agitabatur furore, durantibus nempe dilucidis intervallis? Et teneri. Aut agitabatur? Et non teneri. Aut non constat, fana, aut infana mentis iunc esset? Et item teneri.*

174 Ecce in omnibus istis casibus est dubium juris, an foret abstinentum, continentum, &c. & non obstante utrumque probabilitate, perpetuo Ecclesiæ sensu, & uero declaratur, non meliorem esse conditionem libertatis possidentis, nec legem de abstinentendo, continendo, &c. sufficienter non esse promulgatam, vel alios ejusmodi Probabilistarum praetextus excusare ab obligatione sequendi tutoirem partem; sed ex adverso declaratur obligatio tutoirem partem sequendi.

C A P U T X V I L

Eundem perpetuum Ecclesia sensum SS. Patres ubi in demonstrarunt.

175 **T**este namque Morino, Ecclesiastica Antiquitatis indagatore solertia, l. 1. de pœnit. c. 5. n. 10. in eo studio SS. Patres nostri mille Et centum annorum spatio (ante natam scholasticam docendi methodum) se tandem exercuerunt, ut Sacerdotes docerent.... in casu dubio securiorem partem semper esse eligendam.

Semper (inquit) eligendam, id est non solum ubi agitur de necessariis necessitate mediis, sed & ubi agitur de necessariis necessitate precepti, uti constat ex casibus praecedenti capite enarratis. Nec solum in dubio facti; sed & in dubio iuris. Quæ enim actio peccatum esset, quamvis, & quam horrendum (quæ sunt quæstiones juris) judicarunt ab unoquoque vel facile cognosci, vel ex apposita pena & medicamine facile dignosci (prosequitur Morinus) vel in casu dubio, securiorem partem semper esse eligendam. Ita ergo judicarunt in omni dubio, ubi vertitur salutis periculum. Enimvero, in dubio de excommunicatione & irregularitate, Canonum textus allati sunt capite praecedenti. In dubio de matrimonio, textus est in cap. iuvenis de sponfali, necnon in cap. Dominus, & cap. inquisitioni suprà relatis. In dubio de pœnitentiâ cap. *siquis possumus*, & cap. *siquis auitem de penit.* dicitur 7. In dubio de Sacramento Ordinis cap. *veniens* de Presbytero non baptiz. ubi cum super Ordinibus fuisset diuinum disputatum, an iterum initandus esset sacris Ordinibus, qui eos ante baptismum aqua suscepserat. Re in utramque partem probabiliter agitatâ, Innocentius III. in casu dubitabili (inquit) quod tuius est sequentes, mandamus quatenus ipsum per singulos Ordines, usque ad Sacerdotium, promovere proores. In dubio de baptismô, confirmatione, & Ecclesiârûm consecratione (tametsi ad salutem necessitate mediis minimè necessariâ) idem ex perpetua Ecclesiæ traditione declarat Gregorius Magnus l. 12. epist. indic. 7. c. 31. dicens: *Hoc vos tenere debetis quod nos ab Antecessoribus nostris traditum accepimus, ut quoties tam de baptismô aliquorum, vel confirmatione, quam de Ecclesiârûm consecratione, dubitatio habetur, & nec Scriptura, nec testibus, ratio certa habetur, utrum baptizati, vel confirmati, sive Ecclesia consecrata sint, ut baptizentur tales, ac confirmentur, atque Ecclesia canonice dedicentur. Ne talis dubitatio ruina fidelibus fiat.... Hoc vos.... tenere & docere mandamus, ut quæ à sanctis Patribus ante nos sunt statuta (nota benè) non protervè irremperemus, sed fideliter servare opiemus.* Denique generaliter in dubio de peccato mortali textus est in clement. ex*vi* de verbis. signific.

Præter hæc, qui specialiora ex SS. Patribus desiderat, habet suprà n. 158. Bernardum, eam prudentiam exigentem, in iis quæ eligimus, ut, si erremus, errori non consentiamus, nec sinamus nos à vero aberrare. Errori vero consentit, & à vero aberrare se finit, qui, in dubio utrumque probabile, sciens & volens eligit partem minus tutam, quæ sibi apparent æquæ probabilitate falsa, quam vera.

Habet & Augustinum l. 1. de bapt. contra 178 Donat. c. 3. dicentem: *Siquis dubium habet, in parte Donati non recte accipi baptismum, quem in Catholica recte accipi certum habet, graviter peccaret, in rebus ad salutem pertinentibus, vel eo solo, quod certis incertis*

preponeret. Ubi cum *ly non recte* idem sit, ac non licet (neque enim dubii valoris Augustini tempore fuit baptismus à Donatistis, seu hæreticis suscepimus) verba ipsius *vel eo solo*, universalem continent probationem, in omni dubio de licto, etiam necessitate mediis ad salutem non necessariò procedentem. In omni (inquam) dubio, etiam probabili: neque enim responsionem suam fundat in eo quod improbabile sit, baptismum extra Catholicam Ecclesiam licet suscipi, sed *in eo solo*, quod in rebus ad salutem pertinentibus, grave peccatum sit, certis incertis preponere. Cum enim dicit, *vel ex eo solo* perinde esse ac si dicat, etiamsi contingat omnem aliam causam abesse, ea sola sufficit ad ipsum de gravi peccato argendum, quod in dubio, salutem animæ concerne, certis incerta præponat. Unde cap. 5. universaliter & absque exceptione concludit: *Accipere itaque in parte Donati, si incertum est esse peccatum* (id est si dubium est de illicito) *quis dubitet certum esse peccatum?* Cum certum sit, quod pro incertis à certis non sit redendum. 30. q. 5. in fine.

179 Idem argumentum prosequitur Augustinus I. de fid. & oper. c. 19. his verbis: *Quæ manifesta sunt impudicitia criminata, omnino à baptismo prohibenda sunt.... Quæ autem dubia, omni modo cavendum est, ne siant tales conjunctiones (de quibus dubium est, an futura sint legitimæ) quid enim opus in tantum discrimen ambiguitatis caput mittere?*

180 Et idipsum confirmat I. 10. de Trinit. c. 10. cum ait: *Qui dubitat, judicat non se temere consentire oportere: qui ergo vere & propriè dubitat (qualiter dubitat, cui æquè probabiliter appetit, rem esse illicitam, atque licitam) judicat se non posse prudenter facere rem, de qua taliter dubitat: cum nequeat prudenter fieri, quod non potest prudenter judicari, seu confitiri esse licitum.*

181 Eundem denique perpetuum Ecclesiæ sensum demonstrat traditio Veterum de necessariò confitendi mortalibus dubiis, dum utique probabiliter quis dubitat, an peccatum, quod commisit, mortale sit an veniale; an turpi consenserit cogitationi, &c. Totius namque Ecclesiæ usus & praxis ejusmodi docet confitenda, ut fatetur Caramuel Theol. fundam. pag. 684. quodque omnes hucusque *Authoræ ita docuerunt.* Ita nominatio S. Thomas q. 6. Joannes de Friburgo in Summa lib. 3. tit. 34. q. 79. Lochmaier in Parochiali Curatorum c. 4. noster Joannes Beets in explicat Decal. pag. 69. Idque contra Lutherum tantâ confessione, tamque asseveranter senserunt Doctores Catholicæ, Roffensis, Eckius, Latomus, Bellarminus, &c. ut contrarium dogma Lutheri rejecerint, velut *pestem animarum, velut toxicum Sacramenti poenitentie, velut non parvum errorem,* &c.

182 Sed quam ob causam, seu rationem, confitenda mortalia dubia usus & praxis Ecclesiæ, Catholicorumque Doctorum sensus com-

munis ostendit? Quia (ait S. Thomas) *qui aliquid committit vel omittit, in quo dubitas esse peccatum mortale, peccat mortaliter discrimini se committens.*

Et similiter periculo se committit, qui de hoc, quod dubitat esse mortale, negligit confiteri. Eamdem rationem dat S. Bonaventura: *quia qui dubitat probabiliter, urum sit mortale, si non paenitet sicut discrimini se exponit.* Et Joannes de Friburgo: *quia alias periculo se committit, si negligit confiteri: sicut etiam mortaliter peccat, qui aliquid committit vel omittit, in quo dubitas esse peccatum mortale.* Et Lochmaier: *qui si peccator non paenitet de illo, sicut de mortali, discrimini se committit.* Et idèò debet confiteri. Et Roffensis in refut. a. 8. qui sequitur Lutheri sententiam, *magno discrimini leplum exponit.* Et Joannes Eckius l. 3. de pœnit. c. 11. pag. 85. quia optima est *Theorica: expansus se periculo peccati mortalis, peccat mortaliter.* Et quod dici solet: *agere incertum, & dimittere certum, in materia morali, est mortale.... docuit hoc Sapiens Eccl. 3. qui amat periculum, peribit in illo.* Cum ergo aliquis habet dubium probabile, *an actus sit peccatum, non debet se exponere periculo, illud occultando.* Et Latomus ad art. 3. Lutheri c. 3. quia in talis dubio non confitens, amat periculum, *contra illud Eccl. 3. qui amat periculum, &c.* Tota ergo Antiquitas tradidit, confitenda mortalia, etiam positivè, seu probabiliter dubia, quia in ejusmodi dubio non licet exponere se periculo; adeòque tutius est eligendum. Per consequens tota Antiquitas tradidit in dubiis etiam probabilibus tutius esse eligendum. Quod & amplius constat ex dictis cap. 14. Unde Vasquez I. 2. disp. 65. c. 3. *Existimo* (inquit) *absque controversia esse debere, quories dubitatur, an sit lex aliqua; an non, & non solum agitur de periculo peccandi, eligendas esse partem tutiorem.... Sane in hoc casu nullum ex Scriptoribus Scholasticis inventi, qui opus possum afferat.*

C A P U T X V I I I .

Eadem veritas probatur multipliciter ratione.

Prima ratio est, proximè insinuata à Magisteribus nostris: non licet exponere se mortaliter periculo faciendi illicitum. Hoc autem facit, qui in æquali dubio, an hoc sit vel non sit illicitum, partem non eligit tuiorem. Ubi enim morale dubium de illicito, ibi morale periculum. Quifquis igitur tunc non eligit quod tutius est, sed hoc facit, de quo mortaliter dubitat an non sit illicitum (de quo moraliter dubitat, qui æquè probabile argumentum habet de illicito, quam de licto) exponit se mortaliter periculo faciendi illicitum. Maximè cum nullum ex reflexis principiis Probabilistarum ipsum certificet contra morale dubium & periculum, uti constabit ex dictis cap. 26. 27. 28. 29. & 30.